

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA
Broj: 07-11-5-8427/21

Bosanska Krupa, 01.12.2021.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), u otvorenom postupku nabavke radova s namjerom provođenja e-aukcije – Uređenje javnih površina u ulici 511. Sbb i Trgu Alije Izetbegovića u Bosanskoj Krupi - segment 3. i segment 4., općina Bosanska Krupa, na prijedlog Komisije za provođenje postupka javne nabavke, Općinski načelnik općine Bosanska Krupa, kao rukovodilac ugovornog organa donosi:

ODLUKU
o izboru najpovoljnijeg ponuđača

1. Prihvata se ponuda ponuđača **d.o.o „KOV-GRAD“ Bužim**, u predmetu nabavke radova: **Uređenje javnih površina u ulici 511. Sbb i Trgu Alije Izetbegovića u Bosanskoj Krupi - segment 3. i segment 4.**, općina Bosanska Krupa, sa cijenom u ukupnom iznosu od 822.756,95 KM bez PDV-a, odnosno **962.625,63 KM, sa uračunatim PDV-om.**
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se ugovor o izvođenju radova na uređenju javnih površina u ulici 511. Sbb i Trgu Alije Izetbegovića u Bosanskoj Krupi - segment 3. i segment 4., općina Bosanska Krupa.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-8427/21 od 3.11.2021. godine. Javna nabavka je provedena putem otvorenog postupka s namjerom provođenja e-aukcije– Uređenje javnih površina u ulici 511. Sbb i Trgu Alije Izetbegovića u Bosanskoj Krupi - segment 3. i segment 4., općina Bosanska Krupa. Obavještenje o nabavci broj: 1272-1-3-115-3-94/21 od 3.11.2021. godine - objavljeno na portalu JN (TD preuzelo ukupno 13 ponuđača) i u „Službenom glasniku BiH“, broj: 67/21 od 5.11.2021. godine .

Po objavljenom obavještenju rok za prijem ponuda je bio 24.11.2021. godine do 12,00 sati. Do označenog roka za prijem ponuda na protokol Ugovornog organa pristigle su tri ponude, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

1. **d.o.o. „BC-GRADNJA“ Bosanska Krupa**, broj protokola: 07-11-5-8427-2/21, 24.11.2021. godina u 11:10 sati
2. **d.o.o. „I-SELIMOVIĆ“ Cazin**, broj protokola: 07-11-5-8427-3/21 od 24.11.2021. godine u 11:29 sati
3. **d.o.o „KOV-GRAD“ Bužim**, broj protokola: 07-11-5-8427-4/21, dana 24.11.2021. godina u 11:43 sati

Komisija za provođenje postupka javne nabavke je u skladu sa tenderskom dokumentacijom dana 24.11.2021. godine u 12,15 sati izvršila javno otvaranje ponuda i na zapisnik konstatovala:

- 1. Ponuđač d.o.o. „BC-GRADNJA“ Bosanska Krupa**, dostavljena ponuda (original i kopija) uredno zapakovana i bez vidnih oštećenja, ponudio je:
cijena ponude: **947.524,79 KM bez PDV**,
PDV **161.079,21 KM**
ukupna cijena ponude: **1.108.604,00 KM sa PDV- om**,
Nema popusta
- 2. Ponuđač d.o.o. „I-SELIMOVIĆ“ Cazin**, dostavljena ponuda (original i kopija) uredno zapakovana i bez vidnih oštećenja, ponudio je:
cijena ponude: **1.424.339,12 KM bez PDV**,
PDV **242.137,65 KM**
ukupna cijena ponude: **1.666.476,77 KM sa PDV- om**,
Nema popusta
- 3. Ponuđač d.o.o „KOV-GRAD“ Bužim** dostavljena ponuda (original i kopija) uredno zapakovana i bez vidnih oštećenja, ponudio je:
cijena ponude: **851.292,95 KM bez PDV**,
PDV **144.719,80 KM**
ukupna cijena ponude: **996.012,75 KM sa PDV- om**,
Nema popusta

Komisija za provođenje postupka javne nabavke je izvršila evaluaciju dostavljenih ponuda i konstatovala je da je ponuda ponuđača **d.o.o „KOV-GRAD“ Bužim potpuna, ispravna u formalno-pravnom smislu** (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze i ponudu izradio u skladu sa TD), dok **ponuđači d.o.o. „BC-GRADNJA“ Bosanska Krupa i d.o.o. „I-SELIMOVIĆ“ Cazin nisu pripremili ponudu u skladu sa tenderskom dokumentacijom, jer nisu popunili obrazac za cijenu ponude za sve stavke koje su sadržane u obrascu**, odnosno da su propustili popuniti obrazac u dijelu „III Rad sa biljnim materijalom“ za stavke „*Ugradnja biljnog materijala /15% od vrijednosti biljnog materijala/, u ovu stavku je uključena nabavka i montaža drvenih anker kolčeva, PVC drenažnih cijevi za vodno-vazdušnu aeraciju, kao i nabavka i montaža zaštitnog omotača od jutane vreće ili trske oko debla*“ koje su pod rednim brojem 6. u Segmentu 3. odnosno pod rednim brojem 5. u Segmentu 4.

Tačkom 18. TD je definisano:

„Obrazac za cijenu ponude dat je kao Prilog 2, priprema se u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac za sve stavke koje su navedene, a u skladu sa postavljenim zahtjevima, njegova ponuda će biti odbačena.“

S obzirom na gore navedeno Komisija je predložila Ugovornom organu da se na osnovu tačke 18. stava 2. tenderske dokumentacije, ponude ponuđača d.o.o. „BC-GRADNJA“ Bosanska Krupa i d.o.o. „I-SELIMOVIĆ“ Cazin odbace.

Komisija je pristupila računskoj provjeri kvalificirane ponude ponuđača d.o.o „KOV-GRAD“ Bužim te je konstatovala postojanje računskih grešaka u Obrascu za cijenu ponude: Segment 3. Hortikultura: poglavlje III Rad sa biljnim materijalom, stavka Ukupno III - Rad sa biljnim materijalom naveden je iznos od 10.887,00 KM, a treba da stoji 6.947,00 KM. Analogno načinjenoj greški u rekapitulaciji cijene radova stavka III - Rad sa biljnim materijalom naveden je iznos od 10.887,00 KM, a treba da stoji 6.947,00 KM, Ukupno I+II+III naveden je iznos 12.807,00 KM, a treba da stoji 8.867,00 KM, te Ukupno hortikulturno uređenje 3.4. stoji 14.984,19 KM, a treba da stoji 10.374,39 KM.

Segment 4. Hortikultura: dio III. Rad sa biljnim materijalom, stavka Ukupno III - Rad sa biljnim materijalom naveden je iznos od 59.281,40 KM, a treba da stoji 34.685,40 KM. Analogno načinjenoj greški u rekapitulaciji cijene radova stavka III - Rad sa biljnim materijalom naveden je iznos od 59.281,40 KM, a treba da stoji 34.685,40 KM, Ukupno I+II+III naveden je iznos 68.041,40 KM a treba da stoji 43.445,40 KM, te Ukupno hortikulturno uređenje 4.4. stoji 79.608,44 KM, a treba da stoji 50.831,12 KM, čijim isprawkama se dobije sljedeća cijena ponude:

- A-Rekapitulacija A-segment broj 3, Stavka 3.4. Hortikulturno uređenje umjesto 12.807,00 KM, treba da stoji iznos 8.867,00 KM; Ukupno umjesto 171.193,92 KM, treba da stoji 167.253,92 KM.
- B-Rekapitulacija B-segment broj 4, Stavka 4.4. Hortikulturno uređenje umjesto 68.041,40 KM, treba da stoji iznos 43.445,40 KM; Ukupno umjesto 680.099,03 KM, treba da stoji 655.503,03 KM.

I konačno u ZBIRNOJ REKAPITULACIJI ukupna cijene ponude bez PDV-a umjesto 851.292,95 KM treba da stoji **822.756,95 KM** odnosno ukupna cijena ponude sa PDV-om, umjesto 996.012,75 KM treba da stoji **962.625,63 KM**.

Komisija je predložila Ugovornom organu da se ponuđaču d.o.o „KOV-GRAD“ uputi zahtjev za prihvatanje ispravke računске greške u smislu člana 17. stav (6) Uputstva za pripremu modela tenderske dokumentacije i ponuda („Službeni glasnik BiH“, broj: 90/14).

Ugovorni organ je dana 30.11.2021. godine putem e-maila uputio ponuđaču d.o.o „KOV-GRAD“ Bužim zahtjev za prihvatanje ispravke računskih grešaka u ponudi.

Ponuđač d.o.o „KOV-GRAD“ Bužim je u ostavljenom roku putem e-maila i na fax dostavio saglasnost za ispravku računskih grešaka, broj: IP-609-12/21 od 1.12.2021. godine, koja je sastavni dio zapisnika o evaluaciji ponuda od 01.12.2021. godine.

Komisija za provođenje postupka javne nabavke je na zapisnik od 01.12.2021. godine konstatovala da je u ovom postupku predviđeno provođenje e-aukcije, ali se ista neće provoditi, jer je u ovom postupku samo jedna prihvatljiva ponuda, a shodno članu 3. stav (3) Pravilnika o načinu korištenja e-aukcije. Konstatovano je da je procjenjena vrijednost nabavke: Uređenje javnih površina u ulici 511. Sbb i Trgu Alije Izetbegovića u Bosanskoj Krupi - segment 3. i segment 4., općina Bosanska Krupa, iznosi: cijena bez PDV: 851.311,52 KM , cijena sa PDV-om: 996.034,48 KM

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je cijena jedine prihvatljive ponude **d.o.o „KOV-GRAD“ Bužim** u okviru procjenjene vrijednosti predmetne nabavke, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača i to ponuđača **d.o.o „KOV-GRAD“ Bužim i zaključi Ugovor.**

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je cijena prvorangirane ponude jedine prihvatljive ponude **d.o.o „KOV-GRAD“ Bužim** u okviru procjenjene vrijednosti predmetne nabavke, odlučeno je kao u dispozitivu.

Pouka o pravnom lijeku

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

Dostavljeno:

1. d.o.o. „KOV-GRAD“ Bužim , putem e-maila
2. d.o.o. „I-SELI MOVIĆ“ Cazin , putem e-maila
3. d.o.o. „BC-GRADNJA“ Bosanska Krupa, putem e-maila
4. U spis
5. a/a

OPĆINSKI NAČELNIK

Armin Halitović, dipl. ecc